



**Ioannis Tollenarii Brvgensis e Soc. Iesv Specvlvm  
Vanitatis Sive Ecclesiastes Solvta Ligataq. Oratione  
Dilvcidatvs**

**Tollenaeer, Jean de**

**Antverpiæ, 1635**

Metrica Paraphrasis.

---

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

agnoui quod in his quoque esset labor, & afflictio spiritus:

18. eò quod in multâ sapientiâ, multa sit indignatio: & qui addit scientiam, addit & laborem.

## METRICA PARAPHRASIS.

**Q**VAECVMQVE sceptra Regiae gestent manus,  
*Quoscumque fasces publicae Atlantes rei*  
*Cincti clientum obnoxio cætu ambiant,*  
*Quamcumque palmarum spondeat Martis fauor,*  
*Quascumque merces insitor vagus petat,*  
*Cuicunque lucro plebis infudet labor,*  
*Quæcumque studia nobiles animæ colant,*  
*Quæcumque curæ lancinent pectus; tamen*  
*Pila vanitatis turba mortalis sumus,*  
*Ventisque pretium facimus, et fumo, et nihil.*  
*Quin et reuulso si quis infami iugo,*  
*Et vanitate colla calcatâ erigit,*  
*Aut vana vulgi studia doctrinæ face*  
*Ex arce mentis despicit; latu nouâ*  
*Sophiae repertâ luce dum plaudit sibi,*  
*Se vanitatis laqueat incautum plagis.*  
*Sic ego peragrans mente terrarum sola,*  
*Et quidquid ambit aureum Phœbi iubar,*  
*Inanitatis arguens, dixi gemens:*  
*En fama nomen gemmeis nostrum vehit*  
*Sublime bigis, meque conspicuo locat*  
*Mundi theatro. Multa penetraui inclytæ*  
*Vigore mentis nocte diu cæcâ abdita;*  
*Et corde toto adnexus expendi vias,*  
*Quæ vera virtus arduos gressus regit,*

Quæ

Quà stultus error deuio titubat gradu :  
Palmamque Sophie laude præ cunētis tuli  
Solymæ colonis. Estne qui tantum decus  
Magno pacisci renuat erectum supra,  
Scientiarum verticem excelso pede,  
Vi mentis explorare, quo virtus gradu  
Vitiumque constet, quisve sit rerum modus ?  
O nulla veri nominis felicitas !  
Quod antè rebar sorte mortali altius,  
Id vanitatis damnat exhaustus labor,  
Et mille mentis, nomen infaustum, cruces.  
Nam si quis adytis ambiat Sophie pedem  
Inferre, & orbis nosse quod gremio latet ;  
Fremit ambientes millies ludi manus,  
Quas veritati tendit optatae. Velut  
Celsi Niphatis vertice, aut Nise iugis  
Cùm tigris orba liuet irarum notis,  
Cuius tenellos fors Achæmenio Duci  
Ludibria fetus abstulit trepidans eques,  
Furit illa, cursu concito antevolans leues,  
Zephyro marito quàm sibi propior, Notos ;  
Donec subinde vitreis propter viam  
Delusa sphæris tendit incassum pedes,  
Imaginisque fallit amplexus obui.e  
Sobolis amorem. Noster haud alio dolor  
Animum cruentat vulnere, & pectus coquit  
Auidum sciendi. Nempe pro sapientia  
Prensamus umbras, spemque lacraram fugax  
Imago ludit. Nube si pulsâ tamen  
Lux aliqua menti sidus insinuet suum,  
Et veritatis radiet optatum iubar ;  
Pluria capaci monstrat ignorantiae

Latere

*Latere gremio, nulla quæ satis dies  
Eruderabit. Truditur dies die,  
Et cura curam gignit : exhaustus labor  
Geminat laborem ; postque tot curas tamen  
Siquid didicimus, nec caret fructu labor,  
Hoc scimus unum, scire nos penitus nihil.*

## PROSA EXEGESIS.

**D**AMNATIS Ecclesiastes humanæ vitæ laboribus, vanisque curis & cogitationibus, ad animum liberalioribus studiis relaxandum, omniisque scientiarum genere excolendum, se contulerat : & facultatem eius desiderio parem subministrabat eximium quoddam sapientiæ lumen eius animo diuinitus infusum ; & materiam suppeditabat orbis terrarum, quæ latissimè patet, vniuersus. Itaque nihil intentatum, nihil inexploratum reliquit, sed omne politioris litteraturæ, solidiorisque doctrinæ genus, à primis litterarum elementis ad summum usque sapientiæ diuinæ apicem peruagatus est. Non quod prima litterarum elementa ex cogitarit (hanc enim inuentionem apud Hebræos, Suidas Setho, Philo Abrahamo, Theodoretus Moysi tribuunt, apud Græcos verò Cadmus omnium pænè consensu hac laude celebratur) sed tamen in partem etiam venit huius gloriæ, cùm Arabicum, ut vocant, Alphabetum, linguamque cultissimam, quam Arabicam Orientalem vocant, excogitârit.

Deinde cùm ex libro Sapientiæ perspicuum sit, diuinitus illi infusam facultatem sententiosè, copiosè grauiterque dicendi, ad miraculum usque exterarum gentium, quæ, ut habet Regum historia, vndique venerant ad audiendam sapientiam Salomonis ; cui dubium

*Salomon  
scientia &  
cupidus.*

*Pineda in  
Salomon.  
præu. lib. 3.  
c. II.*

*Sap. 7,7. ex  
versione  
Tigurinæ.  
Salomon  
oratore st  
migis.  
3. Reg. 4,  
3. r.*